

<https://news.usm.my>

Berita Mutakhir

26 PERHIMPUNAN ALUMNI ISDEV PERTAMA MERIAH

SEP



PULAU PINANG, 18 September 2016 – Perhimpunan Alumni ISDEV (PAI-1) buat pertama kalinya dianjurkan oleh Pusat Kajian Pengurusan Pembangunan Islam (ISDEV) disambut meriah dengan kehadiran lebih 100 orang peserta dalam kalangan tenaga pengajar, alumni dan pelajar ISDEV dan disertai oleh ahli keluarga masing-masing.

“Saya dapat banyak pengalaman melalui perkongsian daripada alumni dan jika sebelum ini saya cuma mengenali mereka melalui nama, dalam program ini saya dapat berinteraksi dengan mereka secara langsung” kata Siti Fatimah Mohd Razali, pelajar Sarjana ISDEV.

“Program ini berjaya menerapkan kefahaman dalam diri peserta terhadap perjuangan ISDEV di samping istiqamah dalam perjuangan sama ada untuk menuntut ilmu mahupun melaksanakan ilmu yang telah dipelajari,” kata calon Doktor Falsafah yang juga ahli jawatankuasa PAI-1, Raudha Md Ramli.



PAI-1 diisi dengan pelbagai aktiviti termasuk perkongsian akademik, riadah fizikal dan sesi ramah mesra sesama peserta.

PAI-1 membuka peluang untuk menghubungkan ukhawah dan mengeratkan silaturahmi serta membolehkan pelajar untuk mencedok pengalaman alumni dalam menjalani pengajian mereka.



Penganjuran kali pertama ini diadakan selama dua hari bermula pada 17 September 2016 bertempat di Pusat Latihan Zakat (PULAZA), Balik Pulau, Pulau Pinang.

Teks: Wan Norhaniza Wan Hasan /Foto: Nur Inani Ismail



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>)

Laman Web Rasmi / Official Website : [Universiti Sains Malaysia \(http://www.usm.my\)](http://www.usm.my)

[Client Feedback / Comments \(http://web.usm.my/smbp/maklumbalas.asp\)](http://web.usm.my/smbp/maklumbalas.asp) | USM News Portal. Hakcipta Terpelihara USM 2015